



杜宏剛  
邱瑞中  
韓登庸

劉 羚  
閻崇東

主編

# 韓國文集中的明代史料(四)

廣西師範大學出版社

· 桂林 ·

目錄

耻齋遺稿

洪仁祐著 〇〇一

頤庵遺稿

宋寅著 〇四三

嘯皋集

朴承任著 〇七五

瞻慕堂遺集

林芸著 一一三

草堂集

許曄著 一二七

蓬萊詩集

楊士彥著 一三五

錦溪集

黃俊良著 一四九

玉溪集

盧禎著 一六九

東園集

金貴榮著 一八三

松川遺稿

梁應鼎著 二一一

舟川遺稿

康惟善著 二四三

習齋集

權 擘著 二四九

德溪集

吳 健著 二五七

孤青遺稿

徐 起著 二七七

思庵集

朴 淳著 二八三

勿岩集

金 隆著 三二九

柏潭集

具鳳齡著 三三九

竹川集

朴光前著 三五九

藥圃集

鄭琢著 三八一

高峰集

奇大升著 四九三

章  
國  
之  
集  
中  
白  
月  
代  
史  
斗

洪仁祐 著

耻  
齋  
遺  
稿



洪仁祐，字應吉，號耻齋（一五一五—一五五四），朝鮮中宗十年，明正德十年生；朝鮮明宗九年，明嘉靖三十三年卒。

仁祐之系乃出唐朝。世傳唐季遣八學士教高句麗國人，洪其一也，賜系南陽，世爲顯官。仁祐天資粹美，器宇沉靜。以親故不廢舉業，而未嘗屑意。一五三七年（明嘉靖十六年，朝鮮中宗三十二年）試司馬而止。時士禍相仍，危機屢發，仁祐吊死問生，禮無所缺，人皆危之，而處之如常。

仁祐未弱冠，而能振拔流俗。慨然有志於性理之學，篤信好古，必以聖賢爲可法。律守制行，一遵小學，鷄鳴而起，幾案間無雜書，常閱《心經》、《近思錄》，而於《中庸》首章，《大學》誠正修三章，益自力究所體驗。言行一致，表里無間。其與一時泮宮諸生論事，不激不媮，動有經據，便有爲國以禮底氣象。所與游皆當世名賢，如盧穌齋、許草堂等，最其道義相長。凡有所作，筆力

適勁，論議灑脫。看似不尋常而超出尋夷。退溪先生對其挽詞曰：「美質仍資學力強，芝蘭不  
采自芬芳。眷眷孝友之實，懇懇樂善之誠，燁燁才華之美，孳孳學問之明。」

《耻齋遺稿》是其子進出家藏手稿編輯，於一六〇七年初刻。一六三九年其後孫安東通判有  
炯重刻。三卷，共一百三十七板，半頁十行十九字。

底本藏於延世大學中央圖書館。

神道碑銘 并序

可臣少時。即聞洪趾齋先生學問志行之懿。為一時諸賢所推服。而未得其詳。及今衰病。屏伏湖隸。先生胤子唐興相公。辱許可臣。有相知之義。連家之分。一日。乃以先生遺藁。遠投窮山。推牧之社。而屬以先生神道之銘。辭意懇勤。有大感動人者。可臣極知不敢當此責。顧惟當世之典文。雖公彬彬然也。相公不求於彼。而屬之可臣。其意或有在也。使人一味惶恐。不敢以不文辭。乃拜受其先藁。而盥手敬讀之。惻然起而歎曰。生長東南。未知有程伯醇。此陳忠肅責沈文所以作也。今以淺見弱筆。摸寫先生德業之萬一。以贖可臣孤陋寡聞之罪。抑或一道也。謹按。南陽洪氏。為國大姓。而先生之系。乃出唐朝八學士之一。遂有唐城之別。自後達官偉人。世不乏出。至五代祖諱師錫。功名聲聞。尤卓卓不群。贈謚莊襄。高祖諱季洵。進武司勇。曾祖諱貴孫。禦侮上護軍。祖諱以平。成均司成。贈吏曹判書。考諱德演。文科。命知中樞府事。贈左贊成。妣龍仁李氏。虞侯思良之女。生五男。先生其

長而諱曰仁祐。應言其字也。生有美質。溫良莊重。未弱冠。而能振拔流俗。脫然有守死善道之志。律守劄行。一遵小學。鷄鳴而起。盥櫛危坐。竟日夜。嗒然几案間。無雜書。常目在之者。惟心經近思錄。而於中庸首章。大學誠正修三章。益自力焉。究索體驗。為一生施功之地。言行一致。表裏無間。以至旁置白黑豆。驗其一念之所發。隱微幽獨之地。功夫嚴密。無愧於息。有養。瞬有存之訓。要之。其學實見得。千差萬別。都自一本中出來分明。故其一言一行。無非截然。整整齋齋。觀其答吏官尹殷輔書卒之問。與程伊川答溫公給事中。之問。相類。此等語嘿之節。在大賢猶或難之。而先生從容焉。其與一時泮宮諸生論事。不激不媮。動有經據。便有為國以禮底氣象。所與遊皆當世名賢。如蘇齋盧先生草堂許先生。最有道義。為濯之益。當仁廟在館。聖學日就。蘇齋為宮僚。書進講說。或有疑義。輒就先生正之。先生辨釋精明。資益甚多。徐花潭先生嘗云。多閱志學之人。可與進安者。惟洪某一人。先

生最後師友退溪老先生其所論難多是操戈入室故老先生有云每與接語深覺洗去蒙滯又曰古人雖在眼中講學往來書簡未嘗廢此後雖在廬所望勿廢相問老先生有望於先生之警益如此羅整菴欽順分人心道心為性情體用之別士之過於高明者又從而為之說而立赤幟焉先生獨辨羅見之非以為作兩般看最是錯認羅公之學亦可謂儘出正老先生深以為是薛菴趙先生逢時不幸未得究其設施其志行之述人皆指為禍門而闕於編次先生恨其愈久而遂泯無傳據事撫實撰次行狀使他日秉筆者有所考據遊關東有錄文章贍詳使見之者一覽了然退溪踐而贊之士類傳誦為親之故雖屈意舉業而亦不屑屑焉中丁酉生負其終不偶命也乙巳仁廟賓天飲漿迄成服疏食終其月方喪盡禮古未有如先生者先生齋號初用敬字後易以耻草堂問其故答曰點檢從前歲月無一得持恐未免為流俗中人以故易之庶有所勉其後又作居室箴以自警曰甫得甚麼其提省日進之功皆此類也其

尤所難者己卯之後菴亮餘孽繼構仇善之禍世之端人正士流放竄極其酷烈門生知舊號以道義相講劇者改頭換面做若平生素昧者然過其門而不顧者滔滔先生特立其間不懼不撓雖海島絕塞之遠日入寄問切磋勸勉意極纏綿有何可不信一命字不紓遠懷等語其他名卿善士之喪吊死問生禮所當為者不避時忌曲盡情禮人亦不得以此而餉禍於先生信乎朱夫子所謂品相盡真不啻九牛毛而如先生者求之今古絕無而僅有者也先生天性至孝癸丑遭贊成公之憂歎粥泣血嬴瘦不起時嘉靖甲寅十一月丁未也明年二月癸子驪州治北大松里丙坐壬向之原享年四十老先生為文以祭之歷舉先生孝友之實樂善之誠寸華之美學問之明賦德之厚譽壽之嗇而痛惜之豈無所實見而云然也天若假之以年至於養深積厚矜持者純熟巖厲者和平水到船浮左右逢原則其成已成物之功豈止於此而已乎嗚呼惜哉夫人金氏平陽府院君承靈之後郡守希稷之女也敬事君子而孝奉舅姑姑氏

性嚴少假借。而夫人每得其歡心。賢孝之稱。內外無間。先生之歿。子幼女弱。夫人左提右挈。納於義方。終能使之成立。不賢而能如是乎。後先生十有四年而卒。祔葬于先生之左。噫。天果不可必乎。先生雖不得仁者之壽。畢竟不匱於錫類。縣珠疊璧。承家繼業。有以益大先生門戶之傳。曰進。曰迪。早擢巍科。俱登顯仕。進今為忠勤貞亮。勳節協策。扈聖切臣。輔國崇祿大夫。唐興府院君。兼知經筵事。迪以文學顯。賜暇湖堂。將大用於世。而不幸早歿。官至司憲府執義。以唐興之貴。推恩先生。贈純忠積德。補祿切臣。大匡輔國崇祿大夫。議政府領議政。兼領經筵觀象監事。唐陽府院君。妣贈貞敬夫人。長女適濟用。正李景燦。次適司評李文會。唐興先娶坡平尹氏。敦寧僉正。贈吏曹判書。應奎之女生男汝栗。郡守。先亡。後娶蔚山朴氏。司醞署令宜男之女生。執義先娶士人韓說之女生。後娶鏡城判官。贈左叅成韓孝胤之女生。二男一女。長女翼。縣監。次汝亮。刑曹佐郎。女適生員姜弘勳。監正生三男一女。長懋。司憲。執義。次情。女適郡

守尹伉。司評生一男一女。男曰奇男。女適監察趙弘瑞。汝栗娶退溪李先生之孫直長安道之女生。三男。曰有煥。縣監。曰有炯。有燦。有燦。早夭。先生側室子述生一男。曰汝恪。何其子孫之賢而多也。此殆天意也。銘曰。君子之學。為己而已。己之不為。是乃為利。嗟惟先生。學純而正。求之日用。本之心性。惟幾惟微。更審于行。日親有道。激昂奮發。有聞斯行。勇進不輟。一捧條痕。一搥掌血。入孝出悌。餘力學文。堅志苦節。富貴浮雲。出門承事。如賓如祭。伊洛之源。鄒魯遺緒。五穀將秋。未獲而墮。世道衰日。儒林厄運。天不復矣。憂將曷極。立石琢辭。弟子是則。萬曆三十七年十二月。日奮忠出氣合謀。迪敦清難功臣正憲大夫寧原君洪可臣撰。

墓誌銘

嘉靖甲寅十一月丁未。成均生員洪先生諱仁祐。年纔不惑。居外艱。過毀而卒。其何以勸天下之孝子乎。賢不必貴。仁不必壽。一至於此。天未定而然耶。何其不可必之甚也。其胤子唐興府院君進。以家傳詩禮。俯就科甲。秩躋公孤。各登鍾鼎。推恩

贈於先生。極人臣之官爵。天於是乎定矣。謹按洪氏譜於南陽。世傳其先來自上國。即高句麗時。唐季所遣八學士之一也。積累之厚。繼出偉人。曰復。曰由道。皆擢顯仕。入我朝。有知中樞院事。諱師錫。受知獻陵。立功征西。贈謚莊襄。於先生為五代祖也。高祖諱季消。進武司勇。曾祖諱貴孫。禦侮上護軍。祖諱以平。成均館司成。贈吏曹判書。通經傳。敦睦愛世。稱謙厚君子。考諱德漢。文科僉知中樞府事。贈議政府左贊成。深於經史。守道不撓。用是屯蹇。妣龍仁李氏。觀察使伯持之後。虞侯思良之女。允毓五男。先生乃其長也。生而孝。敬祥順。目濡耳染於家庭典訓之內。未弱冠。慨然有志於性理之學。篤信好古。必以聖賢為可法。平居律身小學。雞鳴盥櫛。整襟危坐。堅苦刻厲。人所不堪。雖嚮晦冥息之際。亦未見其有惰慢之容。常讀心經。近思錄諸書。而嚶緊服膺於中庸首章。大學誠正修等章。以為求端用力之地。乾乾惕若。反躬踐實。隱微幽獨之中。愈嚴愈密。嘗置白黑豆。以驗念慮之微。端莊凝重。履繩蹈矩。絕意外慕。斷斷

以崇德廣業為期。所與皆一時名賢。如盧蘇齋許。尊堂諸公。最其道義相長。麗澤切磋者也。仁廟在儲。聖學日進。蘇齋為官僚。凡遇書筵。上疑難處。輒求相質。多所貸益。後謫海島。先生抵書。乃舉瀛溪令。二程尋孔顏所樂何事。伊川見人靜坐。嘆其善學等語。勉之以靜中體認。喜怒哀樂未發前氣象。仍寄以詩曰。寂未動時須顧體。感方通處可求根。中何湛一微難見。誠固散殊養則存。蓋慮後學易差於分殊處也。徐花潭堂語人曰。近來志學。可與進步者。洪某一人而已。全慕齋亦並稱其志學。師文面論書質。講劇益精。後讀羅整庵困知記。有以道心為性。人心為情之說。力辨其不然。退溪是之。及先生之歿。退溪為文而祭之。略曰。眷眷孝友之實。懇懇樂善之誠。燁燁士華之美。孳孳學問之明。天之何為。既賦君以如是之厚。而乃獨壽之。嗚呼。而禍之酷耶。其見重於先正類此。嘗得金寒暄白。警錄手書一通。朝夕觀省。恨不得同時而親炙焉。趙靜庵德行事業。久未有敘述。先生深懼道脉泯

改穿搜廣採撰次行狀使有所考據於他日其於文章不甚經意而天分高邁撰軸自別凡有所作筆力道勁論議洒脫有非騷人寸士疲精竭神者之所可及雖為親屈泥迹塲屋而實未嘗屑屑於舉業自中丁酉司馬以來亦不偶焉數也閱親瘠而不委庸醫則博覽方書備知用藥之要友諸弟而不煩外傳則隨寸誘掖並為知名之士哀人有喪悉心經紀或手製喪服而與之凡聞名卿賢士之喪必去肉數日傷世道也仁廟賓天慟切攀髯疏食水飲不以韋布而殺其節及至癸丑費成公之憂如疑如慕必誠必信瞿瞿皇皇啜粥泣血一於禮而不苟不自覺其奄忽尚忍言哉尚忍言哉乙卯二月葬于驪州治北大松里丙坐壬向之原先生守應吉初號敬齋後改以耻資稟粹義器宇沉靜感發最早趨向甚正當己卯士禍之餘道學為世大禁而能自振拔窮尋洛建之墜緒與二三同志講明不輟若將終身世之臭味不同者宜如何其忌嫉而繼以有乙巳之獄知舊諸人誅竄

相踵士或過門縮頸不敢視先生獨立不懼昂死問生情禮無缺此實人所難為而累亦不及豈非忠信服人而然也平生為學切問近思居敬窮理勉勉循循不為浮泛凌躡之歸至三十而易齋號易之以恐為流俗之人將四十而箴居筮警之以得甚庶之語其進修之功提察之方未始須臾息亦未始須臾忘也使其天假之年得以優游涵養直積力久則其所造請烏可限量也夫人金氏順天堂樸平陽府院君承霍之後郡守希稷之女肅雍事君子孝順奉舅姑姑性嚴少假借而每稱為賢婦其待母夫人之病頃刻不離側嘗糞驗差劇蓋至行天性然也及失所天子女皆弱左提右挈教以義方終有所成就不賢而能如是乎後先生十四年隆慶丁卯而卒享壽四十九祔室先生之地追崇貞敬之封凡生二男二女長即唐興策忠勤貞亮劭節協策扈聖功臣聞望臨一時女迪出繼從叔父仁範後早登第盛之王署湖堂將大用於世不幸仕止司憲府執義女長適濟用監正李景燾次適司評李文會側室有子述唐興先

娶尹氏。贈吏曹判書應奎之女。生男汝果。進士。順川郡守。結室朴氏。司醞署令宜男之女。執義娶。贈左贊成韓孝胤之女。有丈夫子二人。汝翼。進士。翎衛司司禦。汝亮。進士。刑曹佐郎。女婿。士人姜弘勳。監正生三男。長懋。議政府舍人。次懋。女婿。郡守尹僖。司評生子奇男。女婿。監察趙弘瑞。順川娶直長李安道之女。生三男。曰有煥。四山監役官。曰有炯。曰有燦。幼善慶之家。宜其子孫之振振也。銘曰。有興其子。不待文王。五道之東。何嘆偏荒。孝弟親仁。餘力乃學。球擗有素。格致其闕。萬理一原。心為主宰。靜存動察。無時不在。方寸昭昭。亦具太極。天德王道。要以謹獨。對越上帝。惟日莖葦。過鐵門關。持玉鑰匙。一箇敬字。貫徹始終。誠明兩進。庶幾極功。豈意斯人。早年不淑。孔徒顏回。程門與叔。自古而然。天亦無情。瑤琴傳後世。其家聲。

萬曆三十四年九月 日。大匡輔國崇祿大夫

議政府左議政兼領 經筵監春秋館事。世

子傳沈壽。撰。

墓表陰記

已卯以後。道學為世大禁。士皆馳鶩於訓詁文章之末。不復知有儒者事。時則有若耻齋洪先生。振挽流俗。慨然有求道之志。立心行事。直以聖賢為標準。不幸早世。當時之人。固已惜之。先生既歿。士論稍行於世。則後生小子聞先生之風者。莫不尊尚景仰。知所矜式。後五十有一年。以嗣子唐興府院君進貴。贈純忠積德補祿功臣大匡輔國崇祿大夫議政府領議政兼領 經筵觀象監事唐陽府院君。其種學積德。能享身後之報。若是其不忒。嗚呼。世之為善者。亦可以有勸矣。先生諱仁祐。字應吉。耻齋其號。世傳唐季遣八學士教國人。洪其一也。賜貫南陽。以唐城名其居。在麗朝。有諱復。諱由道。世有顯位。入 本朝。有諱師錫。征西有功。官至知樞。諱莊襄。即先生五代祖也。祖諱以平。成均司成。贈吏曹判書。考諱德演。文科。僉樞。贈議政府左贊成。妣貞敬夫人龍仁李氏。觀察使伯持。

之後。虞候思良之女。以正德乙亥生。先生自少勵志為學。平居以小學自律。終日危坐。家屬未見有惰容。几案間常對心經。近思錄等書。俾置白黑。且以驗念慮之微。堅忍刻苦不少懈。遍交當世閭人以資切磋。如盧蘇齋。守慎。許草堂。聯。最以道義相許。仁廟在春宮。聖學高明。蘇齋為官僚。每於書筵。有疑難。輒來問質。多所發明。後在謫中。先生致書勉以同功於喜怒。哀樂未設前戒。其或差於分殊。仍寄以詩。有寂未動時須顧體。感方通處可求根。中何湛一微難見。誠固散殊養則存之語。晚得退溪李先生。深為師友。講論論難。造詣益精。方辨羅整庵人心已設。道心未發之非。退溪深然之。徐花潭敬德。嘗語人曰。年來志學。可與進步者。唯洪某一人而已。金慕齋安國。亦亟稱其志學有操行。其見重於先輩。可知也。先生之學。常用力於中庸首章。大學誠正脩章。而以己心為嚴師。篤信伊川天德王道在謹獨之訓。嘗作居室箴。以自警。為文章。亦不經意。而拔出尋夷。遊關東有錄。退溪跋而贊之。趙靜庵志行之述。亦為士類所傳誦。以親故

不廢舉業。而未嘗屑屑焉。嘉靖丁酉。試司馬而止。時士禍相仍。危機屢設。儕輩之刑寘相繼。先生昂死問生。禮無所缺。人皆危之。而處之如常。聞名賢之卒。必素食累日。為世道歎。孝陵賓天。飲漿迄于成服。既食以終其月。其謹於方喪者如此。孝友之行。出於天性。父母有疾。為學醫書。知用藥之方。誘掖羣弟。使識為學之道。而能怡怡如也。癸丑。丁贊成公憂。喪祭一以禮。比卒。哭啜粥。日數成疾。越明年十一月丁未。竟不起。春秋僅四十。卜葬于驪州北。面大松里。丙坐壬向之原。退溪祭以文。畧曰。眷眷孝友之實。懇懇樂善之誠。燦燦才華之義。孳孳學問之明。天之何為。既賦君以如是之厚。而乃獨壽之畜。而禍之酷耶。輟於此。亦足以知先生之所存矣。夫人金氏。順天大姓。府院君承靈之後。郡守希稷之女。貞恪孝順。克配君子。母有病。嘗糞驗差。劇姑性嚴。少許可。而每稱其賢。俾為諸婦式。先生之孩。子女皆幼。教以義方。以至成立。終能受其厚社。吁亦賢矣。生正德己卯。卒隆慶丁卯。壽四十九。合葬于先生之左。從 贈貞敬夫人。先生有二

男二女。男長即唐興公。登庚午文科。歷敷華顯。策  
 忠勤貞亮。効節協策。聖功臣。今以本封。兼判  
 義禁府事。知經筵事。次迪。登壬申文科。以文行顯。  
 賜殿讀書堂終司憲。府執義。女長適濟用。正李景  
 鏜。次適司評李文會。唐興有男汝栗。郡守。執義有  
 男汝翼。縣監。汝亮。監役。女姜弘勳。正有男愷。舍人。  
 次愷悻。女縣監尹忱。司評有男奇男。女直長趙弘  
 瑞。汝栗男。有煥。有炳。有燦。先生側室子。述。男汝恪。  
 唐興公以浚讎有連家之義。命表墓道。謹依家狀。  
 叙其梗槩。若其學行德懿之詳。太史氏已大書。後  
 之人。必有能言者。翁。

萬曆三十二年八月 日。嘉善大夫行弘文館  
 副提學知製 教兼 經筵參贊官春秋館修  
 撰官韓浚謙 撰。

行狀

先府君姓洪氏。諱仁祐。字應吉。世傳唐季遣八學  
 士。教高句麗國人。洪其一也。賜系南陽。各所居曰  
 唐城。事具輿地誌。世為顯官。高麗中葉。有諱復。官  
 至禮史。諱由道。同知密直司事。入本朝。有諱師

錫。大為 獻陵所器。以屬 英廟。其後征西有功。  
 位至資憲大夫。知中樞院事。贈謚莊襄公。高祖  
 諱季洵。進武副尉。左軍司勇。曾祖諱貴孫。禦侮將  
 軍。忠佐衛上護軍。贈通訓大夫。通禮院左通禮  
 祖諱以平。通訓大夫。行成均館司成。贈資憲大  
 夫。吏曹判書。無知 經筵。義禁府春秋館事。世子  
 左賓客。考諱德演。折衝將軍。僉知中樞府事。累  
 贈崇祿大夫。議政府左贊成。兼 世子貳師。知  
 經筵春秋館事。娶龍仁李氏。觀察使伯持之後。真  
 侯思良之女。生府君於正德乙亥。溫恭孝悌。得之  
 天性。年未弱冠。勵志聖賢之學。惟日居敬。整襟危  
 坐。如見大賓。夜分乃寢。既寤。未嘗偃卧。枕上。雖對  
 家屬。必具冠帶。刻勵不懈。未見其有惰容。凡案  
 間相對。唯心經。近思錄。筆書。而以中庸首章。大學  
 誠意正心脩身章。為求端用力之方。而以己心為  
 嚴師。篤信伊川天德王道。在謹獨之訓。嘗置白黑  
 豆於器。以驗念慮之微。克勤小物。分毫不遺。而斷  
 斷以崇德。廣業為期。少時在山寺。手抄小學書。有  
 一老衲曰。自剃髮。閱書生多矣。未有如公夜不眠。